

Talamdan
sa Mga Mensahe alang sa Full-time Training
sa Fall Term sa 2025

LINANGKOB NGA HISGOTANAN:
ANG MAHINUNGدانONG MGA PUNTO SA KAMATUORAN SA MGA SULAT NI PABLO—
FILIPPOS UG COLOSAS

Mensahe 3

Magpadayag sa Pulong sa Kinabuhi ingog Mga Maghahayag
sa Adlaw ni Cristo

Basahong Kasulatan: Fil. 2:15-16; 1:6

- I. “Aron mahimo mong walay ikasaway ug matinud-anon, mga anak sa Dios nga walay apan diha sa kaliwatang hiwi ug masupilon, nga nagsidlak diha nila ingog mga maghahayag diha sa kalibotan”—Fil. 2:15:**
- A. Naghulagway sa atong dayag nga paggawi ang *walay ikasaway*, ug sa kinaiya nato sa sulod ang *matinud-anon*.
 - B. Ang pagkawalay apan maoy kinatibuk-ang kalidad sa pagkawalay ikasaway ug pagkamatinud-anon.
 - C. Gipadayag sa Filipos 2:15 nga mga maghahayag sa kalibotan ang mga magtutuo:
 - 1. Ang Griyegong pulong nga gihubad og “mga maghahayag” nagpasabot sa mga maghahayag nga nagpasumbalik og sidlak sa kahayag sa Adlaw.
 - 2. Ingon nga mga anak sa Dios nga dunay diosnong kinabuhi ug kinaiya, duna tay espesyal nga kagamitan—ang kagamitan sa pagsidlak—itandi sa Buh. 9:3; 22:6; 26:13; 2 Ped. 1:4:
 - a. Kay naa man tay diosnong kinabuhi ug kinaiya, nahimo na tang mga maghahayag nga nagsumbalik og sidlak ni Cristo nga tinuod nga Adlaw.
 - b. Mobulig ngani ta pagbuhat sa Dios sa sulod (Fil. 2:13) uyon sa diosnong kinabuhi ug kinaiya, mosidlak ta sa kahayag ni Cristo (Efe. 5:14).
 - c. Sa pagkatinuod, wala tay kaugalingong kahayag.
 - d. Ang atong pagsidlak pagpasumbalik lag sidlak sa kahayag nga nadawat nato gikan sa diosnong tinubdan.
 - e. Si Cristo ang kahayag, ang tinuod nga Adlaw, ug gipasumbalik nato Siyag sidlak; busa, ang atong pagsidlak mao ang pagpasumbalik natog sidlak ni Cristo nga tinubdan sa atong kahayag.
 - 3. Sa kataposan, ang Bag-ong Jerusalem, nga kinatibuk-an sa tanang tinubos ug nahingpit nga mga balaan, dako unya nga maghahayag—Bug. 21:11, 24a.
 - 4. Nagkinahanglan ang Ginoo og grupo sa mga balaan nga nagkinabuhi ni Cristo ug nagsidlak ingog mga maghahayag nga nagpadayag sa pulong sa kinabuhi.
- II. “Nagpadayag sa pulong sa kinabuhi, aron duna koy ikapasigarbo sa adlaw ni Cristo nga wala makawang ang akong pagdagan o ang ako bang paghago”—Fil. 2:16:**
- A. Mosidlak ta pinaagi sa “pagpadayag sa pulong sa kinabuhi”—v. 16a:
 - 1. Kon mobasa ta sa Biblia uban sa buhing espiritu, diha-dayon, mapahimuslan nato ang pulong sa kinabuhi; masangkapan, malig-onan, mabuhi, mahayagan, malunhawan, matil-ogan, ug mahugasan dayon ta.

2. Sa makasinati ta sa pulong sa kinabuhi sa ingon niini, ipadayag gyod nato ang pulong ngadto sa uban, ipresentar, itanyag, ug iaplikar kini kanila; pagpamulong kini nato sa pulong sa kinabuhi sa mga tawong naglibot nato.
 3. Isipon gyod pag-usa ang Filipos 2:16-17:
 - a. Nagpakita kini nga ang pagtuo sa 17 may kalabotan sa pagpadayag sa versiculo 16.
 - b. Ang pagpadayag sa pulong sa kinabuhi may kalabotan sa halad sa pagtuo sa kasinatian.
 4. Ang hunahuna ni Pablo ning mga versiculoha mao nga kon ipadayag nato ang pulong sa kinabuhi, duna tay ikapasigarbo sa adlaw ni Cristo—2 Ped. 3:10, 12.
 5. Adlaw sa tawo ang panahon karon (1 Cor. 4:3), ug adlaw ni Cristo ang umalabot nga panahon.
 6. Sa adlaw ni Cristo, maanaa Siyay pagbulot-an; kon sa adlaw sa tawo, ipadayag sa mga magtutuo ang pulong sa kinabuhi, makapasigarbo si Pablo kalabot nila sa adlaw ni Cristo nga wala makawang ang iyang pagdagan o ang iya bang paghago.
 7. Ang adlaw sa pag-anhi sa Ginoo ginganlag “ang adlaw sa Ginoo” (1 Tes. 5:2; 2 Tes. 2:2; 1 Cor. 1:8; 2 Cor. 1:14; Fil. 1:6) ug “niadtong adlaw” (2 Tim. 1:18).
 8. Niadtong adlaw moatubang ang tanang magtutuo sa hukmanan ni Cristo aron modawat sa ganti nga angayng madawat sa matag usa—2 Cor. 5:10; Mat. 25:19-30.
- B. “Duna koy ikapasigarbo sa adlaw ni Cristo”—Fil. 2:16b:
1. Niingon ang 2 Pedro 3:10a nga, “Moabot ang adlaw sa Ginoo ingog kawatan,” ug niingon ang versiculo 12a nga, “Magpaabot ug magpadali sa pag-abot sa adlaw sa Dios.”
 2. Ang pulong ni Pedro mahitungod sa adlaw sa Ginoo labi gyod nga pasidaan.
 3. Sa Bag-ong Tugon gihisgotan ang adlaw sa Ginoo labi gyong may kalabotan sa paghukom sa Ginoo—1 Cor. 1:8; 5:5; 2 Cor. 1:14; 2 Tim. 4:8; 1 Tes. 5:2.
 4. Ang adlaw sa Dios mao ang adlaw sa Ginoo—2 Ped. 3:10a, 12a.
 5. Labi gyong gigamit ang *adlaw* sa kahulogan sa paghukom alang sa iya-sa-pangagamhanang pagbatok.
 6. Sa dili pa moanhi ang Ginoo, “adlaw sa tawo” kini, nga ang tawo maoy mohukom.
 7. Unya “adlaw sa Ginoo” na kini, nga magsugod sa parousia sa Ginoo (uban sa tanang paghukom niini) ug matapos sa paghukom Niya sa mga tawo ug sa mga demonyo sa dakong trono nga puti—Bug. 20:11-15.
 8. Magsugod ang parousia sa Ginoo sa dihang lalinon ang madaogong mga balaan ngadto sa trono sa Dios sa mga langit sa dili pa ang dakong kasakitan nga tulo ug tunga ka tuig—12:5-6.
 9. Sa pagkatapos sa dakong kasakitan, moanha sa kahanginan si Cristo uban sa mga mananaog (10:1), ug banhawon ang nangamatay nga mga balaan ug lalinon dungan sa kadaghanan sa buhi pa nga mga magtutuo, nga niagi sa dakong kasakitan, aron mosugat sa Ginoo sa kahanginan (1 Cor. 15:52; 1 Tes. 4:16-17; Bug. 14:14-16).
 10. Human niini, hukman sa Ginoo ang tanang magtutuo sa hukmanan Niya sa kahanginan—2 Cor. 5:10.
 11. Himoon dayon sa Ginoo ang Iyang kombira sa kasal uban sa madaogong mga balaan—Bug. 19:7-8.
 12. Human gyod dayon niini, moanhi sa yuta ang Ginoo uban sa Iyang pangasaw-onon, nga hinimo sa madaogong mga balaan ingon nga Iyang kasundalohan (Zac. 14:4-5; Jud. 14; 1 Tes. 3:13) aron makig-away ug mopildi ni Anticristo ug sa iyang kasundalohan.

13. Human niini, gaposon si Satanas ug itambog sa bung-aw nga walay kinutoban—
Bug. 20:1-3.
14. Hukman sa Ginoo ang mga nasod, ug moabot ang gingharian sa millennium—Mat.
25:31-46; Joel 3:2; Bug. 20:4-6.